



UNIVERSITÄTS-
BIBLIOTHEK
PADERBORN

Universitätsbibliothek Paderborn

Unus Pro Omnibus, Hoc est: Christus Jesus Dei Filius

Ginther, Anton

Augustæ Vindelicorum, 1733

VD18 12431648

Consideratio LXXIII. Jesus in cruce sitiens, ardentissimum suum expressit desiderium, quo ergo nostram ferebatur salutem.

[urn:nbn:de:hbz:466:1-45934](https://nbn-resolving.org/urn:nbn:de:hbz:466:1-45934)

Ecclesia in
Complet.


Nadaf, in an.
cœl, 8. Jan.

Martyr. Rom.
21. Jan. &
Nadaf, hoc
die

nos propter propria peccata nostra meremur à Deo derelinqui? Proinde sæpius cum Ecclesia clamemus ad Dominum: *Tu autem in nobis es Domine, & nomen sanctum tuum invocatum est super nos, ne derelinquas nos Domine Deus noster.*

6. Videamus nunc exempla Sanctorum. S. Carterus Presbyter & pro Christo crucifixo Martyr gloriosus, inter tot persecutiones Gentilium existimabat se esse aliquo modo à Deo derelictum; unde sese in latebris abscondit; sed admonitus divinâ voce: *Ego tecum ero*, audacter ad martyrii cruentum certamen processit, in quo mira à tyranno & assèclis ejus perpeffus est, dum excisis novaculâ pedum ac manuum unguibus, talis ferro trajectis, succensâ sartagine, liquato plumbo, ignitâ galeâ cruciatus est, à Christo & Angelis ejus mirum in modum recreatus & confortatus lætus cœlum ingressus est.

Desertus erat ob persecutiones Gentilium S. Fructuosus Tarracônæ in Hispania Episcopus cum duobus Diaconis S. Augurio & S. Eulogio, qui tempore Gallieni ob amorem crucifixi, quem prædicaverat, primò in carcerem trusus, exinde flammis injectus, manibus in modum crucis expansis, orans sicut Christus in cruce, martyrium suum complere voluit; cujus anima unâ cum sociorum animabus, aperto cœlo, spectantibus pluribus cum jubilo ab Angelis recepta est. Efficacem desertionis nostræ finem, quem nobis promeruit Crucifixus JESUS, in cruce ab omnibus desertus.



CONSIDERATIO LXXIII.

JESUS in cruce sitiens ardentissimum suum expressit desiderium, quo erga nostram ferebatur salutem.

Dixit sitio. Jo. 19. 29.

2. Reg. 23. 15.

I.
Vix David Rex, dum erat in præsidio, & statio Philistinorum in Bethlehem, aperuit os suum, & attraxit spiritum: *O si quis mihi daret potum aquæ de cisterna, quæ est in Bethlehem juxta portam, sine mora tres fortissimi milites irruerunt castra Philistinorum*

rum, qui de eadem cisterna haurientes aquam attulerunt ad David, galeâ pro scypho usi: *At ille noluit bibere, sed libavit eam Domino.*

Clamat Filius David in cruce in die magno festivitatis suæ: *Sitio;* O si quis mihi daret potum aquæ! Ubi nunc sunt tres illi fortissimi milites, quos Iesus plurimum diligebat, & gloriam suam in monte Thaboræo monstrabat? Ubi nunc es Petre, qui paulò ante dicebas: *Domine, tecum paratus sum & in carcerem & in mortem ire?* Ecce sitit Dominus tuus, & sitit ipse fons vitæ usque ad mortem: *Arui tanquam testa virtus mea, & lingua mea adhasit faucibus meis; & in pulverem mortis deduxisti me.* Ergo nullus erit, qui extremum digiti sui intingat in aquam, ut refrigeret linguam sitientis & morientis in cruce Iesu?

2. Agar cum filio suo Ismaële in deserto ab omnibus deserta abiecit præ siti nimia indignabunda puerum subter unam arborum, & abiit, seditque à regione procul, dicens: *Non videbo morientem puerum,* & sedens contra levavit vocem suam & fleuit. O Virgo dolorosissima & omnium afflictissima Matrum! Ecce Filius tuus unigenitus, cui quondam virgineum lac in potum dedisti, nunc in supremo agone clamat: *Sitio;* ergo nec potum aquæ frigidæ ei subministrabis! R. S. Vincentius Ferrerius, quod moestissima Virgo & Mater stans iuxta crucem, ubi lamentabili voce Iesus clamavit *Sitio,* & ipsa non aliud responsum dedit: *O Fili, non habeo nisi aquam lacrymarum.* O Pater æterne! quid tu ad hæc? Ubi Samson post tam cruentum prælium cum Philistæis peractum exclamavit lassus ac sitiens: *Tu dedisti in manu servi tui salutem hanc maximam, atque victoriam: en siti morior.* Sine mora ex molari dente in maxilla asini fontem aperuisti, & egressæ sunt ex eo aquæ, quibus haustis Samson refocillavit spiritum, & vires recepit. Nunquid potuisses hoc quoque facere cum dilectissimo Filio tuo nunc in cruentissimo passionis prælio præ nimia siti tabescente? Sed noluit Pater, quia Filius pendens & moriens in cruce aliam patiebatur sitim.

3. Observa: Christus à vespere pridiano nullâ per omnem passionem refectione recreatus, propter ingentes ac decumanos exantlatos cruciatus, fuscumque largiter sanguinem siti maximâ exardebat, quam nobis significavit dicendo: *Sitio.* Sed qualem accepit refectionem? Admota est ori ejus spongia aceto plena. En refectionem, quæ magis ad cruciandum & illudendum Deo moribundo offerebatur? ubi vaticinium Iesæi Vatis adimpletum est: *Et in siti mea potaverunt me acetum,* quæ impietas, ait S. Bonaventura, ipsam crucifixionem transcendebat, quia in puncto mortis etiam reo licet sceleratissimo conceditur qualecumque refrigerium.

M m 3

Fuit

S. Bernh. de
pass. Dom.
S. August. in
Psal. 62.

Fuit proinde crucifixo Salvatore nostro hæc sitis naturalis pœnossissima, sed multò magis sitis spiritualis & sitis animarum, unde Mellifluus: *Potius desiderium ardentissimum salutis nostræ credimus sitivisse, & Divus Augustinus: Sitis mea salus vestra, sitis mea redemptio vestra.* Ah agnosco in te ô piensissime Redemptor, sitim meæ salutis fuisse majorem quàm tui corporis. Et ego quomodo hæc tuæ respondi siti? Et quid imposterùm faciam?

4. Miror, quare Dominus meus Jesus & hic crucifixus inter tot acerbissimos & sexcentos dolores, qui nullis possunt exprimi verbis, de sola siti tantoperè conquestus sit? Hic grande quid lateat necesse est. Et nunquid à planta pedis usque ad verticem non erat in eo sanitas? Caput spinis perforatum, manus & pedes clavis perfossi, membra omnia flagellis lacerata; ubique & undique dolor ac cruciatus, & tamen unicam queritur sitim: *Sitio?*

Jo. 19. 20.

Tauler. c. 47.

de vit. & Pass.

1. Reg. 31. 3.

Jo. 7. 37.

Matth. 25. 35.

Judic. 4. 19.

3. Taulerus: *Habuit aliam sitim, puta amplius patiendi, atque expressus, evidentiusque suum nobis immensum demonstrandi amorem, ac si diceret homini: Aspice, ut tua salutis causâ exhaustus, & consumptus sum, & tamen adhuc sitio, nondum satisfactum est cordi meo.* Collige ex hoc anime mi, immensum crucifixi Salvatoris tui erga te amorem; Et quid tu hæc ei rependisti? De Rege Saul asserit Scriptura: *Totumque pondus prælii versum est in Saul.* Sic totum pondus prælii, quod propter peccata nostra in hunc nostrum fidelissimum fidei iussorem divina inibat Justitia, versum est in Christum; & qui olim dicebat: *Si quis sitiatur, veniat ad me, & bibat,* ipse nunc sitiens moritur. Heu quis dabit capiti meo aquam, & oculis meis fontem lacrymarum, ut refrigerem linguam amantissimi Redemptoris mei! Ah fluite lacrymæ, quibus extinguerem potero ardentissimam sitim tuam, ut in extremo die vitæ meæ à te audire merear illa dulcissima verba: *Sitivi, & dedistis mihi bibere.*

5. Sisara belli dux ex cruento, cui interfuit bello, vehementissimam contraxit sitim, unde veniens ad Jahel instantissimè potum sibi dari flagitavit: *Da mihi obsecro paululum aquæ, quia sitio valde;* quæ vasra mulier illi lac non aquam præbuit, quo hausto in ejus tabernaculo obdormire cœpit; & quid factum est? *Tulit igitur Jahel uxor Haber clavum tabernaculi, assumens pariter & malleum, & ingressa absconditè & cum silentio posuit supra tempus capitis ejus clavum, percussimque malleo defixit in cerebrum usque ad terram, qui soporem morti consocians defecit, & mortuus est.*

Jahel Sisaræ sitientis tempora clavo ferreo transfigens, synagogam adumbravit; illa prius lacte ejus sitim extinxit, hæc verò Regem Regum ac Ducem suum amarissimo felle & aceto potavit; illa clavo ferreo tempora ejus transfixit, hæc caput spinis, manus ac pedes trabalibus

libus clavibus, ac Sacratissimum cor Jesu crudeli lanceâ perforavit. O impia & ingrata Synagoga! Hoc etiamnum faciunt ebrii & gulosi, quos S. Paulus appellat *inimicos crucis Christi*, quorum Deus venter est & finis interitus. Audi S. Augustinum quàm diversa sit mortalium sitis & quàm diversa à Christi siti: *Alius, inquit, desiderat argentum, alius aurum, alius hereditatem, alius honorem, & vix invenitur qui dicat, sitivit tibi anima mea: sitiunt sed non Deo.* O Domine Jesu! quàm pauci hodie norunt Sanguinis tui æstimare pretium! En adhuc de cruce clamas: *Sitio, salutem tuam & proximi, quam mihi tanti stare vides, ergo nihil mihi, anime mi, dabis refrigerii?* Ecce in sanguinis mei opprobrium iis ipsis animabus infernus impletur, quas tam immenso labore, sudore & cruore redemi, & tu, qui vis esse zelator animarum, adhuc altum indormiscis, & sopore gravi deprimaris? Erige te, *nondum enim usque ad sanguinem restitisti;* Da mihi animas, cætera tolle tibi; quod scriptum legis in manibus meis, quod cordi insculptum, quod nutu capitis, brachiorum expansione, quod denique quâquâ possum ratione significo, unum hoc à te peto, restitue animas Redemptori tuo.

6. *Sitio*, clamavit quondam Eliezer servus Abrahami senior ac fidelissimus, cum ab illo jam senescente & annum ætatis 140. agente in longinquam fuisset dimissus regionem, ut sponsam filio suo Isaac dignam quæreretur, qui ubi Rebeccam Virginem speciosam & optimis moribus præditam conspicatus est, ad eam dixit: *Pauxillum aquæ mihi ad bibendum præbe de hydria tua, quæ respondit: Bibe Domine mi, celeritèrque deposuit hydriam super ulnam suam, & dedit ei potum.* Et quid sequitur? *Protulit vir manures aureas &c.*

Ecce clamat ad te, anima Christiana, sitibundus ac moriens in cruce Jesus: Da mihi pauxillum aquæ ad bibendum de hydria conscientie tuæ, aquam veræ devotionis, compassionis, contritionis & amoris mutui, & eris sponsa, quam præparavit Dominus Filio Domini mei; Compatere in siti deficienti JESU, & roga eum, ut tibi in supremo mortis articulo ad beatam æternitatem anhelanti velit esse propitius. Finio hanc considerationem cum Venerabili Ludovico Blofio: *Laus tibi, & honor & gloria Christe, qui exhausto corpore exsanguis in cruce anhelans, vehementissimâ siti cruciaris, & nostræ salutis ineffabili desiderio astuabas; da mihi honorem tui, animarumque salutem ardentissime sitire, & me totum pro illis juxta voluntatem tuam hilariter impendere.*

CON-